

# MÉIFODO SAN PABLO TIMOTÉOMO ORÉCABE

## Segunda Carta del Apóstol San Pablo a Timoteo

---

### Pablo Timotéomo cuete

**1** <sup>1</sup>Cue Páblodicue. Jesucristo ñúefue llujállena orécamiedicue. Juzíñamui comeci jítaina izói orécamiedicue. Daje izói uécodo lloga zíñona cai cáaillifue llujáitagacue. Cristo Jesumo dájena cai jaináinamona afe cáaillifuena óiticaí. <sup>2</sup>Cue izíruiga jító Timotéomo bibe cuetícueza, ona Juzíñamui ñue éziciiteza, daífacadicue. Daje izói: Juzíñamui omo dúecaiteza daidicue. Iemo: Cai Moo Juzíñamuimona oga comeci ñue uái illáfuemo íitioza, daidicue. Nana bie ñúefuiaí cai Ocuíraíma Jesucristodo óredio.

### Pablo Crístomo uai nabáiacade

<sup>3</sup>Juzíñamuimo nágarui comécido úrifiredicue. Mona naio díga Juzíñamuimo cue úrilla llezica omo comeci uibífredicue. Omo cue úibicaillano Juzíñamuina: Iere figora, daidicue. Cue uzútiaí Juzíñamui íóbitallena ie ocuífíregana ñue íinua izói, afe izói íáinide comeci úrillafuedo ie ocuífíregana ñue ínofiredicue. <sup>4</sup>O comeci zúucaifirenamo uibíoidicue; íemona ona iere jaca cíoiacadícué, áfemona caimare cue íllena. <sup>5</sup>Taino lloñeno ñue Juzíñamuimo o ínuafuemo uibíoidicue. Afe birui Juzíñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífuena o jaca ñue ínofiredioza, ñue onódicue.

<sup>6</sup>Ie jira bie izóidena o ócuiticue. Naui omo onoí cue bítajamona Juzíñamui omo lloga llófuelle ríino féitañeno o iri. Niné ona féiza afefue nágarui meine riire o uibíoicairi. Irai dúizaide meine boota izói

o uibóicairi. Afemona jamánomo o llófuelleza. <sup>7</sup>Mei Juzíñamui comeci jacíruillafuena caimo fecáñede. Mei jiáifodo comeci meáiruñenafue Juzíñamui caimo fecade; íemo jiáimana cai izíruillafue, íemo abina ñue cai onónafue diga, caimo fecade.

<sup>8</sup>Ie jira cai Ocuíraima, Crístomo uai nabáillana meáiruñeno o iri. Daje izói ie uai ícoinia llavécacueza, cuena meáiruñeno o iri. Mei jiáifodo ñuera jíllona uai ícoinia comuide duere zefuúllafuena ruifíruñeno o iri. Omo cómuite duere zefuúllifuenta rairuñeno o lláinori. Mei Juzíñamuimo ite ríinodo cai comécina caimare fíraiteza. <sup>9</sup>Juzíñamuimo cai jaináillena afémie ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juzíñamui íena ínidicai. Mei jiáifodo dama Juzíñamui jaiái úcodo mamérillado íeiena iticai. Daje izói Jesucrístomo cai jaináillado Juzíñamui caina izíruite. Daíí caina ie izíruillado íeiena iticai. Mei jaiái ninomo nai énie comuñena llezica, Juzíñamui caina izíruite. <sup>10</sup>Mei bie caina ie izíruillafue, cai Jíllotaraima Jesucristo ana bñiemo bíllado, afefue caimo jino onótate. Afe Cristo cai tíllafuena ja jacínitade. Daje izói jíllona uai llúado, zíñona cai illafue jino uáfomo cótate. Ua, íemo ínotino zíñona itátallena afe Juzíñamui uáfodo caimo onótate. Afe bie zíñona cai illafue buna jaca niné táinocaitainide.

<sup>11</sup>Bie ñuera uai llujáillena Juzíñamui jónegamiedicue. Judíoñedino llófuellena, Juzíñamui orécamiedicue. <sup>12</sup>Iemo afe bíedo nana bífuiái duere zefuúdicue. Mei íadi áfena meáiruñenedicue. Cue ínoga Juzíñamui comeci ífuenta ñue cue onónamona, jacíruñenedicue. Mei afémie cuemo jóonenocaigafue jaca féíñeiteza. Afe bifue Juzíñamui dama Cristo billíruimo ñue úíñoite, mei afémie iere ríinoredeza. Afena onódicue.

<sup>13</sup>Nauí jaícina joide llófueinafue o cue llófuía izói, áfena o llófuefíreiri. Juzíñamuimo cai ínogafuena jeire o ofíri. Daje izói Jesucrístomo dájena cai jaináinamona caina ie izíruillafuemo o iri. <sup>14</sup>Cai diga ite Ñuera Joreño canócaza Juzíñamui omo lloga ñuera rafue féitañeno o iri.

<sup>15</sup>Ja onódioza: Nana Asia énie comíni ja cuena zóofetiaioi. Afémacimona bie mena íima íaillínoi: Figelo, íemo Hermógenes. <sup>16</sup>Mei íadi bie afe jiáimie Onesíforo díbénedo nana ie comíni diga, mei cai Ocuíraima afémacimo caimare dúecaiteza. Mei afémie diga ícaíño cue jitaica raana atífirede. Llavécacue íadi jaca meáiruñeno cuemo atífirede. Iemona Juzíñamui afémie comécina náicaitaiteza. <sup>17</sup>Uafue, Rómamo afémie illa llezica cuena are jénua ícoinia baite. <sup>18</sup>Cai Ocuíraima cai comeci ífue ríire jicánollíruimo afe Onesíforomo dúecairi, Juzíñamuina daidicue. Ja ñue onódioza, Efésomo cai illa llezica, afe Onesíforo diga ícaíño caina canode.

### Jesucristo díbenemo itímie ñue fuirídímie izoide

**2** <sup>1</sup>Cue jító Timoteo, Jesucrístomo dájena cai jaináinamona Juzíñamuimo ite ñúefuiaimo iticai. Afedo ñue o náireiri. <sup>2</sup>Cúemona

o cacánafuemo cue uai nabáidinona aillo íteza. Iemona afefue mai oni jáiae ñue ñinofiredimíaimo o jóoneri. Afémaci daje izói oni jáíimacimo llófuiailleza.

<sup>3</sup>Duere zefuúllafue omo comuíadi, Jesucristo dibénemo ñuera fuíriraíma izói abí riire o mameri. <sup>4</sup>Naga jáíamiena anáfenoacade fuíriraíma fuírillena mamériode. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuúidillaíma anamo itábicaite, afe ie jíiritillaíma ióbitallena. <sup>5</sup>Daje izói naga jifánora raamo jifánotimie ñue jaícina jifánorede. Jifánua ocuide uai daina izói jifánorede. Afémie fieni jifánoia, minícana jíridoñeite. Táinomo jifánoteza. <sup>6</sup>Jacafai ríllamo izire táijidimie afe ie riga llizilla jeia llezica, afe ritímie fueñe ótena figora. Dama íeiena fueñe jofo óite. <sup>7</sup>Omo cue llógamo ñue comeci o facari, íemona cai Ocuíraíma ona nana ñue fibítaiteza.

<sup>8</sup>Mai tñillanomona meine abido caade Jesucristomo o úbicairi. Daje izói afe Cristo cai jaiai illaíma David úcoidigimamona comuídimie. Afémiemo ñue o comécíiri. Cue lloga ñue jllona uai aci bie izói joide. <sup>9</sup>Bie ñúefue ícoínia duere zefuútagacue. Jíi, fiénidifue finódino izói maiáno duere finócacue. Mei íadi Juzíñamui lloga ñuera uai jaca buna llavénide. <sup>10</sup>Ie jira Juzíñamui nizécamací cue cánua ícoínia duere zefuúdicue, mei íadi áferi zúucaíñeno jaca caímare íticue. Afémaci ñue jílllobicaillena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zíiñona fúíñeite.

<sup>11</sup>Bí fue táinoñedeza, iere uafue:

Afe Cristo tñilla izói cai tñiadi, afémie meine abido cáadimiena jailla izói, afe izói dani cai meine cáaillano afémieoiri íiticaí.

<sup>12</sup>Afémie ícoínia duere cai zefuúadi ie illáimana illánomo jáinaiticaí. Afémiema cai jáanoíadi, afémie jáí caina jáanoite.

<sup>13</sup>Afémiemo cai íinoñeniadi, afémie jaca ie daina izói nai finófirede; Mei Juzíñamui dama ie abina jáanonideza.

### Ñuera daiíllena facaca táijiraíma

<sup>14</sup>Bífuiaímo jáíimacina ñue o comécíitari. Daje izói bífuiaí cai Ocuíraíma eróicana íaioímo jóoneri. Íaioí ráifíñede júfidofirega uáillaímo mai afémacina júfidotañeno o iri. Afe bie izoide júfidofirenafue ráifíñedeza, buna canóñede. Afemo cacáreidinona jáífodo oni comécina jóitate. Daje izói íaioí íinoga ua uaina niné féitateza. <sup>15</sup>Juzíñamui uícomo figora daiíllena facaca táijiraíma izói o iri. Iemo afe llezica jáífodo lloñeno daje izói o illáfueña ñue jaícina o jóonefireiri. Daií ñue facácamié ie meáicaíllafue íñede. Daiítade come Juzíñamui ua ráfueña jaícina comínimo llófue. <sup>16</sup>Bíniemo ite táinona úroinafuemona oni o iri. Daií táinona úrifíredino jamánomo fiénidifuaímo baíídiaioíza. Anábaitagano izói ífcaidiaioí. <sup>17</sup>Fieni íaioí llófueña uai raíre

jica jalleide. Come abimo comuide fiénide ñozagi jarire oni mónaioicailla izói, bimaci llófuega uai oni jalléicaide. Afe bie izói ja Jimeneo Fileto diga, bimaci izói, fieni llófuetinona jáidiaillinoi. <sup>18</sup>Afe faillinoi Juzíñamui ua uáimona oni nibéfodo jáidiaillinoi. Juzíñamui tídino meine abido cáailifue dibénedo llotfaillinoi: Ja záide, daidífaillinoi. Daí jíaie comini Juzíñamuimo ínogafuena uáitacana jáidiaillinoi. <sup>19</sup>Mei íadi cai ínoga uai oni cáitañeillena, Juzíñamui áfemo jíaie rírede uaina nabaide. Iemona féitañeno afe Juzíñamuimo íñoicaidicai. Afemona cai bie riire mozíoiga jáillirai izóidicai. Juzíñamui nabaica uai Juzíñamui dama íeiena caina mameide. Afe uai bie izói jóoide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jíáifodo bie izói daide: Nana “Cristomo jaináidicue,” daidino fiénidifueña féitano, aféfuemona ja oni írediaioi. (Bie ie nabaica uaido, Juzíñamuimo cai ínogafuena afémie riire finode.)

<sup>20</sup>Aillue jofo eromo diga raa ite. Ráifide oro ie finoína raa ite. Daje izói ráifide plata ie finoína raa ite. Iemo jiba ráífiñede amena finoína raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jíaie figo jínoñede jiróracuaido jalleide illáimana ecáñedicai. <sup>21</sup>Afe izói naga jíáimaci canóllena Juzíñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juzíñamui íeiena ñue finóbitade. Ebena ñuera tájjananomo Juzíñamui raire íena óreite. Mei afémie íáinide ráifide oro finoína jiróraco izóidímieza.

<sup>22</sup>Jitócomena llezica comeci fieni óiacanafuiaimona oni o iri. Mei jíáifodo come ñue jáicina illáfuedo o jairi. Daje izói Juzíñamuimo o ínofíreiri, íemo jíáimana o izíruiíreiri, íemo comeci mánainafuedo naga cómena o uáidofíreiri. Iemo, nana comeci íaifuenino Juzíñamuimo úrifiredino diga o nabáiriri. <sup>23</sup>Daje izói táinomo coméciailla uáillaina náfuéñeno o iri. Mei ja onódioza, bie izoide úrillafuiaí fúirienaillafue comúitate. <sup>24</sup>Juzíñamui ocuífiregamie jaca jíáima diga icírinide, íemo jíái fuirínide. Mei jíáifodo afémie nana comini diga caimare írede. Daje izói jíáimacina caimare llófuerede. Iemo afémie jíáimamo jarire úriñeno, fíaicana úrerede. <sup>25</sup>Daje izói Juzíñamui ocuífiregamie naga ie llófueinana náfueacañedinona comeci manai fínuano, íaioína lletárede. Afémie daí íaioína lletárede, íaioi comeci ífue Juzíñamui méidotalleza. Iemona daje izói ua ráfuena Juzíñamui íaioína onótaiteza. <sup>26</sup>Bie izoide llógana jámairuitino Taiíe írebaimo jiilla izói itíaioi. Iemo afe Taiíe ie comeci óiacana izói afémacina ócuite. Mei íadi ua ráfuena íaioi onónamona jíllorediaioi. Afénomo jíizaidinona oni bairórede. Afémaci inídimie como cazilla izói, abina onóitiaioi; íemona Taiíe anámoma jíllorediaioi.

### Comini íirairuillaído illífue

**3** <sup>1</sup>Ja bífuiaína o onótaiticueza. Íirairuillaído jacírediruina caímo mónaite. <sup>2</sup>Aféruimo comini dani íaioi abina fieni izíruiítiaioi,

íemo úcubena iere duéruitiaioi, íemo iere fieni abi fínoitiaioi. Daje izói “Jamánomoidimiedicue” dainano, cómena canóñede táinofuiaimo coméciitiaioi. Iemo Juzíñamuimo fieni úritiaioi, íemo íaioi móotiaiai ocuilla uaina náfueñeitiaioi. Iemo jíáimana “íere figura” daiñeitiaioi. Daje izói Juzíñamuimo ínogafuena náfueñeitiaioi. <sup>3</sup>Afémaci jíáimana íziruiñeitiaioi, daje izói féítañeno íaioimo duere finódimiemo dúecaíñeitiaioi, íemo jíáimacimo fieni úritiaioi. Iemo íaioi comeci fieni óiacanafuena “Dama íte” dáííñeitiaioi. Iemo jíáima íaioi ícádi ñúéfuedo finóacañediaioi. Daje izói comínina iere izi cácataitiaioi. Nana ñúefuiaina bacáuai ífuena mámeitiaioi. <sup>4</sup>Afémaci daní íaioi nahí comínina jíáie comínimo fállena fécajífirediaioi. Iemo “Dama cue íacana izói íredicue,” daiífirediaioi; íemo táinomo coméciillano “íere jamánomoidimiedicue,” dáíitiaioi. Daje izói Juzíñamui jenóñeno daní íaioi comeci gáínafuiaina jénoitiaioi. <sup>5</sup>Diga jinófene íuaido “Cue bie ñuera Juzíñamui uaina ínotimiedicue,” dáíitiaioi. Mei íadi jofona íaioi comeci ráatailla mei, afe ínogafuemo íte méídolle rínona jáanotiaioi.

Afe bie izoide comini diga nabáiriñeno o iri. <sup>6</sup>Mei bimácimona dáarie, jíáimaci jofomo jaillano comécina ríñide ringóniai jífuefirediaioi. Afe ringóniai fíénidífuaína oruide. Afe ringóniai nana fieni óiacanafuiaina anáfenogaiaioi. <sup>7</sup>Diga ráfuaí onóiacadiaioi mei íadi Juzíñamui ua ráfuena baitánidiaioi. <sup>8</sup>Jaii Moisés illáruillaído mena aima Janes, Jambres diga, Moisés daina uai uáítatiaillinoi. Afe íaillinoi uáítaja izói, bie comini íraíruillaído ua uaina uáítaitiaioi. Íaioi ífoci úrillafue oni nibéfodo jóoide. Juzíñamuimo ínogafuena fáicanocaidiaioiza; áfemo índiaioi, táínofue ínotiaioi.

<sup>9</sup>Mei íadi bimaci are jíáimacina jífuecana úíñeitiaioi. Mei íanori íllamona nana comini íaioi jífuefirenafuena fídíitiaioi. Jaii Moisés uáítate íaillinoi táinona úrilla uaina comini fídía izói, nane afe izói bimaci táinona úrilla uaina nana comini fídíitiaioi.

### **Iraicaíño Pablo Timotéomo jóonenocaigafue**

<sup>10</sup>Mei íadi o cue llófuiana ñue jeire otio. Cue maca izói jaca ñue macádio. Iemo cue mamérilla izói ñue mamérífiredío. Iemo Juzíñamuimo cue ínuua izói, afe izói iere ínofiredío. Cue comeci jarire úriñena izói, afe izói fíaicana úritio. Jíáimana cue duéruilla izói duéruitio. Diga juáredífuaí cuemo comuide, íadi fáicanocaiñeno Juzíñamui ñúefue llócadicue. Afe cue ocuilla izói ñue ocuíoídio. <sup>11</sup>Comini duere cue finóllena cuena racádiaioi, mei íadi áferi jacínaiñeno caímare íticue. Naui Antioquía jófueмо duere cue zefuállana onódio; daje izói Iconio jofue, Lystra diga cuemo íaioi finócafue на onódio. Nana racada duere cue íaioi fínuafuiaina onódioza. Mei íadi cai Ocuíraíma nana aféfuiaímona ñue cuena jíllotate. <sup>12</sup>Uafue onóigaza, nana Jesucrístomo jáináínamona ñue

jaícina illáfuemo íacadino, nai ñinoñedimacido duere zéfuitiaioi. <sup>13</sup>Iemo afe llezica fiénide jiáimana jífuefiredino jamánomo fiénidifuiamo ana jáitiaioi. Jiáimacina íaioi jífua llezica, dani jiáimaci íaioina jífueitiaioi.

<sup>14</sup>Mei jiáifodo omo llófuegafuiamo riire o comécioicairi, mei aféfuiaimo iere ñue ínotioza. Iemo afe bífuiaina o llófuetimiena onódio. <sup>15</sup>Daje izói o dúemiedimona Juzíñamui ñuera Cuegáuaina fueñe onóicaidio. Aféuaimona llófuegao, jíllonafue o maiñóllena. Afe jíllonafue Cristo Jesumo o ínuado o oga. <sup>16</sup>Nana Juzíñamui Cuegáuai, Juzíñamui afe cueraini comécimo úrilla izói ñue jaícina ciega. Bie uai iere ráifide comini ífoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jiáimacina lletárede; daje izói aféuaido jaícina comini ñue illífuenta íaioimo llórede. <sup>17</sup>Afe daí Juzíñamui Cuegáuaido Juzíñamui ocuícami ñue baitádimiena írede. Iemona afémie ñue finóbide, nana ñúefuiai ie finóllena.

**4** <sup>1</sup>Juzíñamui eróicana, cai Ocuíraima Jesucristo diga, Juzíñamui uailai o llófireillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuenta riire jicánoiteza. <sup>2</sup>Afémie raire bíacana jira, riire ona dáititucue: Nágarui Juzíñamui uailai jino o llófireiri. Afemo riire o maméroiiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juzíñamui uai riire o llófireiri. Ñue riire llófireiri Juzíñamuimo nai ñinoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fíaicana o llófuefíreiri. <sup>3</sup>Afe daí llófuefíreiri, mei diga irui íllamona, comini ua llófueinafuemo cacáñeitiaioiza. Mei jiáifodo dani íaioi fiendi gaina izói dani íaioi cacáacana izói, íaioi llófueitinona aillo jénoitiaioiza. <sup>4</sup>Juzíñamui ua ráfuena fáicanocaillano, nana jagai izoide táinomona llogáfuiamo náfueitiaioi. <sup>5</sup>Mei jiáifodo o iri. Cáadimie izói ñue abina o onoiri. Zúufue omo comufadi, áferi jacínaiñeno abi riire o mameri. Iemo jíllona uai o llóllemo maméroiiri. Juzíñamui omo jónega táijina ñue ícoimo o fuitari.

<sup>6</sup>Ja íanori íllamona Juzíñamui íóbitallena fatá fecaca rille izói, fécajigacue. Cue titáillirui ja áinozide. <sup>7</sup>Ñuera fuiríraima izói, fiénidífue anáfenua izói táijinana jae riire ñue ícoimo fuitádicue. Iemo jífanotimacimona riire aizida goal orédimie izói, afe izói cue táijina fuillánomo dúcidicue. Iemo Juzíñamuimo cai ínogafuena fáicanocaiñeno, ja ñue ícoimo ínoticue. <sup>8</sup>Iemona ja birui cai Ocuíraima cuemo fecalle fia jíridoga raa izóidífue o cuíridicue. Afe ie billíruimo, Juzíñamui anamo ñue níifuenidimacimo dúide zíiñona illáfuenta afémie cuemo fécaite; mei afémie comínimo itífuenta ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuíridinomo jíridorede zíiñona illáfuenta afémie fécaite.

### Dama Páblomo dúidifuiái Timotéomo llote

<sup>9</sup>Timoteo, mai raire cue eróizaibiri; riire áfemo o mamériri. <sup>10</sup>Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófuemo jaide. Iemo jiáie cue nabai, Crescéntena mámeciredimie, jae Galicia éniemo jaide. Daje izói jiái Tito oni Dalmacia éniemo jae jaide. <sup>11</sup>Dama Lucas cue diga fiébilla. O billíruimo, mai Marcos júnuailano cue diné ómicoi biri, mei afémie benó cue táijina cuena iere cánoiteza. <sup>12</sup>Cue nabai Tíquico, Efeso jófuemo jae cue oreca. <sup>13</sup>O billíruimo cue fieca emódomo jitáraroi o atiri. Naui Troas jófuemo ite Carpona mámeciredimie jofomo cue fieca. Daje izói cue rabénicuai o atiri. Iemo jiáie cuega rábiai féitañeno o atiri, mei afébiaina iere jitáidicueza.

<sup>14</sup>Naui Alejandro aillo fiénidifuiái cuemo nitade. (Afémie lloéfiái fínuamo táijifiredimie.) Nana fiéni ie úrillafuiái dieze cai Ocuíraima afémiemo iba óite. <sup>15</sup>Afe Alejándromona abí o rairufoicairi, mei afémie cai lloga uaina iere uáitaacadeza.

<sup>16</sup>Nano fueñe cue abí ríidollifue, rúillaini uícomo cue lua llezica, bu cuena nabáñede. Nana cuena zóofetiaíoi. Juzíñamui afefue iba íaíoi mo óñeilla afémiemo jicádícue. <sup>17</sup>Mei íadi naui abí cue ríiduaruimo cai Ocuíraima cuena canode. Afémie cuena ñue riire finode, jíllona uai oni nana judfoñedinomo cue llujállena. Afémie afe llujállafue ñue ícoimo cuena fuitátate. Afe daíí cai Ocuíraima iere jacíredifuemona ñue cuena jíllotate. <sup>18</sup>Daje izói nana jiáie fiénidifuiáimona, afémie cuena jíllotaite, íemo dama íeiena cuena ráiruite, monamo ite ie illáimana illánomo cue dúciillena. Ñuera ebíredifue jaca ninomo íemo íteza. Daíítadeza.

### Iraicaíño uáiduafuiái naa ézicigafuiái diga

<sup>19</sup>Mai, Prisca, Aquila diga caimare uáidori, naa Onesíforo comini diga. <sup>20</sup>Erasto Corinto jófuemo fiébide. Cue nabai Trófimo ie irárenamona, Mileto jófuemo cue fieca. <sup>21</sup>Mai raire rozírediruillai nai dúciñena llezica benó o biri. Benómona jíáimaci omo uai orédiaíoi, be nímaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiaí o uáidotiaíoi.

<sup>22</sup>Cai Ocuíraima Jesucristo nágarui ómoimo nabáirifireilla Juzíñamuimo jicádícue. Daje izói Juzíñamui nana omoi ézicilla jicádícue. Mai daíítadeza; jae ñie.